

SKUPŠTINA KANTONA SARAJEVO

Z A P I S N I K S A
TREĆE HITNE SJEDNICE SKUPŠTINE KANTONA SARAJEVO,
održane u utorak, 31. marta 2015. godine sa početkom rada u 10,00 sati

Sarajevo, mart 2015.

**NA TREĆOJ HITNOJ SJEDINICI SKUPŠTINE KANTONA SARAJEVO PRISUSTVOVALI SU
POSLANICI/ZASTUPNICI:**

STRANKA DEMOKRATSKE AKCIJE

1. Ademović Kemal
2. Čelik Mirza
3. Čomor Eldar
4. Delalić Sabahudin
5. Dovadžija Amar
6. Safet Mešanović
7. Kozadra Muhamed
8. Mašović Amor
9. Okerić Elmedin
10. Prevljak Fikret

DEMOKRATSKA FRONTA – ŽELJKO KOMŠIĆ

1. Akšamija Goran
2. Avdibegović Neira
3. Bukva Sejo
4. Kerla Bibija
5. Omerbegović Mersiha
6. Pindžo Mirsad
7. Vukasović Mario

SAVEZ ZA BOLJU BUDUĆNOST – FAHRUDIN RADONČIĆ

1. Babić Ana
2. Bajrović Izudić
3. Filipović Selma
4. Jusko Ismir
5. Marić Zvonko
6. Rađo Dževad
7. Solaković Adnan

SOCIJALDEMOKRATSKA PARTIJA BOSNE I HERCEGOVINE

1. Srna Bajramović Srna
2. Šućur Slaviša

NAŠA STRANKA

1. Edin Forto
2. Sabina Čudić
3. Predrag Kojović

BOSANSKA STRANKA – MIRNES AJANOVIĆ

1. Haris Pleho

BOSANSKOHERCEGOVAČKA PATRIOTSKA STRANKA – SEFER HALILOVIĆ

1. Halilović Semir

SAMOSTALNI ZASTUPNICI/POSLANICI

1. Nermin Bjelak
2. Aljović Hamed
3. Mekić Amel

Treću hitnu sjednicu Skupštine Kantona Sarajevo 31.marta 2015.godine u 10,00 sati, otvorio je predsjedavajući Sejo Bukva.

Prema evidenciji Službe sjednici prisustvuje 34 poslanika, što je dovoljan broj za punovažan rad i odlučivanje. Izostanak sa ove sjednice opravdao je zastupnik Rasim Smajić.

Kolegij Skupštine Kantona Sarajevo je na sjednici održanoj 25.03.2015.godine utvrdio da postoji osnov za sazivanje Hitne sjednice Skupštine Kantona Sarajevo i utvrdio termin održavanja 31.03.2015.godine u 10,00 sati.

Prije prelaska na utvrđivanje Dnevnog reda predsjedavajući Bukva je informisao poslanike da je na osnovu Odluke Centralne izborne komisije BiH, broj: 06-1-07-1-210/15 od 30.03.2015.godine Safetu Mešanoviću, sljedećem kvalificiranom kandidatu sa liste političkog subjekta Stranka demokratske akcije za Skupštinu Kantona Sarajevo, dodijeljen mandat poslanika u Skupštini Kantona Sarajevo.

Novoizabrani zastupnik u Skupštini Kantona Sarajevo Safet Mešanović dao je svečanu izjavu:

SVEČANA IZJAVA

„SVEČANO IZJAVLJUJEM DA ĆU POVJERENU DUŽNOST OBAVLJATI SAVJESNO , PRIDRŽAVATI SE USTAVA I ZAKONA BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO, ZALAGATI SE ZA LJUDSKA PRAVA I SLOBODE I DA ĆU U SVIM PRILIKAMA ŠTITITI INTERESE BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO I RAVNOPRAVNOST NARODA I GRAĐANA KOJI U NJIMA ŽIVE.“

Prije prelaska na utvrđivanje Dnevnog reda predsjedavajući Bukva je podsjetio da u skladu sa odredbama člana 161. Poslovnika Skupštine Kantona Sarajevo o prijedlozima zakona po hitnom postupku Skupština odlučuje kao o prethodnom pitanju prije utvrđivanja dnevnog reda sjednice, pa je prešao na postupak utvrđivanja hitnosti donošenja Prijedloga budžeta Kantona Sarajevo za 2015. godinu.

Poslanik/zastupnik Muhamed Kozadra u ime predlagача je dao obrazloženje za donošenje Budžeta Kantona Sarajevo za 2015.godinu po hitnom postupku.

U raspravi o donošenju Budžeta Kantona Sarajevo za 2015.godinu po hitnom postupku učestvovali su sljedeći poslanici/zastupnici: Predrag Kojović, Zvonko Marić, Slaviša Šućur, Adnan Solaković, Mirsad Pindžo, Sabina Ćudić, Dževad Rađo, Izudin Bajrović, Haris Pleho i Muhamed Kozadra. Odgovore na pitanja poslanika i dodatna obrazloženja dao je premijer Kantona Sarajevo Elmedin Konaković.

Predsjedavajući Skupštine Sejo Bukva je zaključio raspravu i uslijedilo je izjašnjavaње o prijedlogu da se Prijedlog Budžeta Kantona Sarajevo za 2015. godinu donese po hitnom postupku.

SKUPŠTINA JE VEĆINOM GLASOVA (23 "ZA", 8 "PROTIV") USVOJILA PRIJEDLOG DA SE BUDŽET KANTONA SARAJEVO ZA 2015. GODINU DONESE PO HITNOM POSTUPKU.

Drugo prethodno pitanje za donošenje po hitnom postupku je Prijedlog zakona o izvršavanju Budžeta Kantona Sarajevo za 2015. godinu.

BEZ PITANJA I RASPRAVE SKUPŠTINA JE VEĆINOM GLASOVA (24 "ZA" I 8 "PROTIV") USVOJILA PRIJEDLOG DA SE ZAKON O IZVRŠAVANJU BUDŽETA KANTONA SARAJEVO ZA 2015.GODINU DONESE PO HITNOM POSTUPKU.

Treći Prijedlog zakona za donošenje po hitnom postupku je **Zakon o izmjenama Zakona o visokom obrazovanju.**

Predlagач ovih izmjena Zakona o visokom obrazovanju nije imao potrebu za uvodnim napomenama ali je na pitanje poslanika/zastupnika Slaviše Šućura dao obrazloženje.

SKUPŠTINA JE VEĆINOM GLASOVA (25 "ZA", 2 "SUZDRŽANA" I 5 "PROTIV") USVOJILA PRIJEDLOG DA SE ZAKON O VISOKOM OBRAZOVANJU DONESE PO HITNOM POSTUPKU.

UTVRĐIVANJE DNEVNOG REDA

Prije samog izjašnjavanja, na primjedbe zastupnika/poslanika reagovao je premijer Vlade Kantona Sarajevo i tačka 6. *Prijedlog programa javnih investicija Kantona Sarajevo za 2015 – 2017. godinu je povučena s obzirom da je ona sastavni dio Budžeta Kantona Sarajevo za 2015. godinu.*

Skupština Kantona Sarajevo je većinom glasova (29 “za”, 2 “suzdržana” i 2 “protiv”) utvrdila sljedeći

DNEVNI RED:

1. *Prijedlog Budžeta Kantona Sarajevo za 2015. godinu (hitni postupak);*
2. *Prijedlog zakona o izvršavanju Budžeta Kantona Sarajevo za 2015. godinu (hitni postupak);*
3. *Prijedlog zakona o izmjenama Zakona o visokom obrazovanju (hitni postupak);*
4. *Prijedlog odluke o davanju saglasnosti na Finansijski plan i Odluku o izvršenju Finansijskog plana Zavoda zdravstvenog osiguranja Kantona Sarajevo za 2015. godinu;*
5. *Prijedlog odluke o davanju saglasnosti na Finansijski plan prihoda i izdataka JU „Služba za zapošljavanje Kantona Sarajevo“-Sarajevo za 2015. godinu;*

AD – 1.

PRIJEDLOG BUDŽETA KANTONA SARAJEVO ZA 2015. GODINU – HITNI POSTUPAK

Prijedlog Budžeta poslanici su dobili uz poziv za sjednicu.

Poslanik/zastupnik Muhamed Kozadra kao ministar finansija iz prošlog mandata dao je uvodne napomene za Prijedlog Budžeta Kantona Sarajevo za 2015. godinu uz prezentaciju.

Poslanik/zastupnik Adnan Solaković se javio ispred Kluba poslanika SBB i izvjestio Skupštinu da oni ne žele učestvovati u radu ove Hitne sjednice, te da napuštaju današnje zasjedanje.

U diskusiji po Prijedlogu Budžeta Kantona Sarajevo za 2015. godinu uključujući i pitanja postavljena za predlagača, učestvovali su sljedeći zastupnici/poslanici: Predrag Kojović, Bibija Kerla, Muhamed Kozadra, Haris Pleho, Sabina Ćudić, Amel Mekić, Slaviša Šućur, Mersiha Omerbegović, Segmedina Srna Bajramović, Mirza Ćelik i Eldar Ćomor. Na pitanja zastupnika/poslanika odgovore su dali premijer Elmedin Konaković i Muhamed Kozadra.

Nakon rasprave Skupština je jednoglasno dala saglasnost za obraćanje predstavnicima sindikata koji su za to ranije uputili zahtjev, a koji je stigao nakon sjednice Kolegija Skupštine. Skupštini su se obratili Faruk Bešlić kao predstavnik Sindikata srednjeg i visokog obrazovanja Kantona Sarajevo i Adil Aljić kao predstavnik Samostalnog sindikata državnih službenika i namještenika u organima državne službe, sudske vlasti i javnim ustanovama u FBiH.

POSLANICI SU PRISTUPILI IZJAŠNJAVANJU O PRIJEDLOGU BUDŽETA KANTONA SARAJEVO ZA 2015. GODINU PO HITNOM POSTUPKU I SKUPŠTINA JE VEĆINOM GLASOVA (22 "ZA", 5 "PROTIV") DONIJELA BUDŽET KANTONA SARAJEVO ZA 2015. GODINU.

Na prijedlog Kluba zastupnika SDA, Skupština je većinom glasova (25 "za", 2 "suzdržana") donijela sljedeći

ZAKLJUČAK:

"Obavezuje se Vlada Kantona Sarajevo da u roku do 90 dana pripremi i u skupštinsku proceduru uputi Izmjene i dopune Budžeta Kantona Sarajevo za 2015. godinu tj. rebalans Budžeta."

AD – 2.

PRIJEDLOG ZAKONA O IZVRŠAVANJU BUDŽETA KANTONA SARAJEVO ZA 2015. GODINU (HITNI POSTUPAK)

Prijedlog zakona poslanici su dobili uz poziv za sjednicu.

ODMAH SE PRISTUPILO IZJAŠNJAVANJU I NAKON IZJAŠNJAVANJA PREDSEDAVAJUĆI JE KONSTATOVAO DA JE SKUPŠTINA VEĆINOM GLASOVA (22 "ZA" I 5 "PROTIV") DONIJELA ZAKON O IZVRŠAVANJU BUDŽETA KANTONA SARAJEVO ZA 2015. GODINU .

Nakon realizacije druge tačke dnevnog reda, uslijedila je pauza u radu Skupštine u trajanju od sat vremena.

NASTAVAK NAKON PAUZE

AD – 3.

PRIJEDLOG ZAKONA O IZMJENAMA ZAKONA O VISOKOM OBRAZOVANJU (HITNI POSTUPAK)

Prijedlog zakona poslanici su dobili uz poziv za sjednicu.

Predstavnik Kluba zastupnika DF-a Mario Vukasović je podnio uvodne napomene.

U raspravi koja je uslijedila učestvovali su: zastupnica/poslanica Sabina Ćudić, poslanik/zastupnik Mirsad Pindžo, poslanik/zastupnik Predrag Kojović koji je postavio pitanje i poslanik/zastupnik Mario Vukasović koji je ispred predlagača dao odgovore na postavljena pitanja.

PREDSEDAVAJUĆI JE ZAKLJUČIO RASPRAVU I POZVAO POSLANIKE DA PRISTUPE IZJAŠNJAVANJU O PRIJEDLOGU ZAKONA O IZMJENAMA ZAKONA O VISOKOM OBRAZOVANJU.

SKUPŠTINA JE JEDNOGLASNO (25 "ZA") DONIJELA ZAKON O IZMJENAMA ZAKONA O VISOKOM OBRAZOVANJU.

AD – 4.

PRIJEDLOG ODLUKE O DAVANJU SAGLASNOSTI NA FINANSIJSKI PLAN I ODLUKU O IZVRŠENJU FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2015. GODINU

Prijedlog odluke poslanici su dobili uz poziv za sjednicu.

Sekretar ministarstva zdravstva Alma Pehlić je podnijela uvodne napomene.

Premijer Elmedin Konaković ispred Vlade Kantona Sarajevo je procitao Izmjene za Finansijski plan Zavoda zdravstvenog osiguranja Kantona Sarajevo koje postaju njegov sastavni dio: :

- U članu 3. u tabeli "UKUPNI RASHODI I IZDACI (D+E), pod rednim brojem 1 -Troškovi stručne službe sa 6.923.250KM umanjiti na izvršenje iz 14 iznos 5.637.021 KM ukupno umanjeње za 1.286.229 KM i to sa konta 712 110 1.1.1.2
- Izdaci za materijal i usluge koje ste vi nama predvidjeli ove godine uduplano ovako kaže:
- Izdaci za materijal i usluge izvršene 2014 godine je 771.000 a prijedlog za 2015 je 1.347.000 KM. Razlika od 575.594 KM što također u nekom detaljnom obrazloženju povećanja tih rashoda nema. Dakle nema dok ne dijagnosticiramo i ne ustanovimo potrebu za enormno skoro duplo većim rashodima na ovim stavkama, Vlada je predložila amandmanski vraćanje na 2014 na iznos od 771.406.
- Na stavkama Porodična medicina privatna praksa redni broj 2. tačka 3. konto 613 942 , 284.000 predviđeno KM, vraćamo na 189.688 KM.
- Redni broj 2. tačka 3. konto 613943 konsultativno specijalistička zdravstvena zaštita sa 1.690.710 na izvršenju na 2.120.000 KM
- Ortopedska i druga pomagala 2.9. konto 613.949 sa 7.363.380 izvršenja prijedlog 8.000.000. Vlada kaže 7.500.000. malo više od onog što ste potrošili u 2014 a opet bez ikakvog elaborata zašto 8 miliona
- Izdaci po osnovu drugih samostalnih djelatnosti, povremenog samostalnog rada. 681.902 izvršenje, a 900.000 prijedlog. Vraćamo na 681.902
- Konto 613.970/980 kaže jedna stavka Ostale ne spomenute usluge i dadžbine. Ja ni u jednoj strukturi Budžeta takvu interpretaciju nisam vidio. Zato govorim o metodologiji. Ako postoje u obrazloženju ili u nekim drugim informacijama trebali ste to Skupštini Kantona dostaviti šta su i zašto su predviđene na 1.705.000 KM. A izvršenje je bilo 443.000 KM što znači uvećanje od 1.261.171 KM.

Nakon izlaganja premijera Konakovića uslijedila je diskusija u kojoj su učestvovali poslanica/zastupnica Segmedina Srna Bajramović, poslanik/zastupnik Slaviša Šućur i poslanik/zastupnik Goran Akšamija.

Direktor Zavoda zdravstvenog osiguranja Kantona Sarajevo Kenan Crnkić se također obratio Skupštini i dao odgovore na postavljena pitanja.

Nakon iscrpljene liste prijavljenih predsjedavajući je pozvao poslanike **DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA FINANSIJSKI PLAN I ODLUKU O IZVRŠENJU FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2015. GODINU SA VLADINIM IZMJENAMA.**

SKUPŠTINA JE VEĆINOM GLASOVA (24 "ZA" I 3 "PROTIV") DONIJELA ODLUKU O DAVANJU SAGLASNOSTI NA FINANSIJSKI PLAN I ODLUKU O IZVRŠENJU FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2015. GODINU SA VLADINIM IZMJENAMA.

Na prijedlog Kluba Demokratske fronte, Skupština je jednoglasno (27 "za") donijela sljedeći

ZAKLJUČAK:

1. *Neophodno je uraditi rebalans Finansijskog plana Zavoda zdravstvenog osiguranja Kantona Sarajevo u periodu 60 dana.*
2. *Da se dalja nabavka opreme i sva predviđena kapitalna ulaganja rade isključivo u dogovoru i ovlaštenjem Ministarstva zdravstva Kantona Sarajevo do donošenja Rebalansa finansijskog plana.*

AD – 5.

PRIJEDLOG ODLUKE O DAVANJU SAGLASNOSTI NA FINANSIJSKI PLAN PRIHODA I IZDATAKA JU „SLUŽBA ZA ZAPOŠLJAVANJE KANTONA SARAJEVO“- SARAJEVO ZA 2015. GODINU

Prijedlog ove Odluke poslanici su dobili uz poziv za sjednicu.

Ministrica za rad, socijalnu politiku i raseljena lica i izbjeglice Karolina Karačić podnijela je uvodne napomene.

Nakon izlaganja ministrice Karačić uslijedila je diskusija u kojoj su učestvovali sljedeći poslanici/zastupnici: Neira Avdibegović, Semir Halilović, Mirza Čelik, Sabina Ćudić i Eldar Čomor.

Direktor Javne ustanove Služba za zapošljavanje Igor Kamočaj se obratio Skupštini i dao odgovore na pitanja poslanika.

Nakon zaključene rasprave Skupštini se obratio i premijer Kantona Elmedin Konaković.

USLIJEDILO JE IZJAŠNJAVANJE I NAKON IZJAŠNJAVANJA SKUPŠTINA JE VEĆINOM GLASOVA (24 "ZA" I 3 "PROTIV") DONIJELA ODLUKU O DAVANJU SAGLASNOSTI NA FINANSIJSKI PLAN PRIHODA I IZDATAKA JU „SLUŽBA ZA ZAPOŠLJAVANJE KANTONA SARAJEVO“ - SARAJEVO ZA 2015. GODINU.

Zatim, na prijedlog Mirze Čelika ispred Kluba SDA, Skupština je jednoglasno (27 "za") usvojila sljedeći

ZAKLJUČAK:

"Neophodno je uraditi izmjene i dopune Finansijskog plana i izdataka JU Službe za zapošljavanje Kantona Sarajevo za 2015 godinu (Rebalans) u periodu do 60 dana."

Nakon realizacije posljednje tačke dnevnog reda, predsjedavajući Sejo Bukva je zaključio rad na Drugoj Hitnoj sjednici Skupštine Kantona Sarajevo u 18,05 sati.

Zapisnik izradila:
Jasminka Deliahmetović

SEKRETAR

PREDSJEDAVALA

SKUPŠTINE KANTONA SARAJEVO

SKUPŠTINE KANTONA SARAJEVO

Abid Kolašinac dipl. pravnik

Sejo Bukva